



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CXXVII. Decreta Dietæ Gen. FF. Carmelit. Congreg. Mantuanæ.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

turum, ut te statim, post te vero prædictos tuos natos Nepotes, & Descendentes, aliosque memoratæ familiæ tuæ Successores Parmæ, & Placentiæ Duces pro tempore existentes ad officium, seu munus Magni Magistri, seu perpetuo Administratoris hujusmodi, ejusque liberum exercitium juxta tenorem præsentium recipiant, & admittant, vosque recognoscant, ac vobis in omnibus, quæ ad idem Officium, seu munus pertinent, pareant, & obediant, faventque, & assistant respective.

Clausula.

§. 4. Ac decernentes ipsas præsentem literas, etiam in Cancellaria Militiæ supradictæ nunquam registrentur, nec admittantur, nihilominus, firmas, validas, & efficaces existere, & fore, suosque plenarios, & integros effectus sortiri, & obtinere, ac vobis plenissime suffragari in omnibus, & per omnia, perinde, ac si ab iis, ad quos ea res spectat unanimiter, nemineque penitus discrepante, vel contradicente admittæ, & in Cancellaria prædicta registratæ fuissent, neque ipsas præsentem literas, & in eis contenta quæcumque etiam ex eo, quod quilibet, etiam primores, seu primi cujuscumque status, gradus, Ordinis, præminentia, & dignitatis, seu alias specifica, seu individua mentione digni existant, in præmissis interesse habentes, seu habere quomodolibet prætendentes, illis non consenserint, nec ad ea vocati, citati, & auditi, neque causæ propter quas ipsæ præsentem emanaverint, adductæ, verificatæ, justificatæ fuerint, aut ex alia quacumque quantumvis justa, pia, & privilegiata causa, colore, prætextu, & capite, etiam in corpore Juris clauso, etiam enormis, enormissimæ, & totalis læsionis, ullò umquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno, & substantiali, ac incogitato, & incogitabili, individuumque expressionem requirente defectu notari, impugnari, infringi, modificari, retractari, in controversiam vocari, aut ad terminos Juris, seu Statutorum, seu stabilimentorum, ac consuetudinum, usum, & privilegiorum dictæ Militiæ reduci, aut adversus illas apertitionis oris, restitutionis in integrum, aliudve quodcumque Juris, & facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare ullo modo posse, nec eadem præsentem literas sub quibusvis similibus, vel dissimilibus gratiarum revocationibus, suspensionibus, limitationibus, aliisve contrariis dispositionibus, etiam per nos, & Romanos Pontifices Successores nostros, & Seden prædictam quovis modo, etiam per viam legis, & Constitutionis generalis, seu Statuti perpetui quodcumque faciendis unquam comprehendi, aut comprehensas censerit, sed semper ab illis exceptas, & quoties illæ emanaverint, toties in pristinum, & validissimum statum restitutas, repositas, & plenarie reintegratas, ac etiam de novo sub quacumque posteriori data per vos, vestrumve quemlibet eligenda concessas intelligi, ac ab omnibus, & singulis ad quos spectat, & pro tempore spectabit, inviolabiliter, & inconcussè observari & adimpleri: Sicque, & non aliter in præmissis per quoscumque Judices ordinarios, & Delegatos, etiam Causarum Palatii Apostolici Auditores, ac S. R. Eccles. prædictæ Cardinales, etiam de Latere Legatos, & d. Sedis Nuntios, aliove quoslibet quacumque præmentia, & potestate fungentes, & functuros, sublata eis, & eorum cuiuslibet quavis aliter judicandi, & interpretandi facultate, & auctoritate, judicari, & definiri debere; ac irritum,

& inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac quatenus opus sit, nostra, & Cancellariæ Apostolicæ Regula de Jure quæsito non tollendo, aliisque Constitutionibus, & Ordinationibus Apostolicis, necnon dictæ Militiæ, aliisque quibusvis, etiam Juramento, confirmatione Apostolica, vel quavis firmitate alia roboratis Statutis, & consuetudinibus, stabilimentis, usibus, & naturis, privilegiis quoque, Indultis, & Literis Apostolicis eidem Militiæ, illiusque Fratribus, & personis quibuslibet, etiam primoribus, seu primis sub quibuscumque verborum tenoribus, & formis, ac cum quibusvis, etiam derogatarum derogatoriis, aliisque efficacioribus, efficacissimis, & insolitis clausulis, ac Decretis in genere, vel in specie, etiam motu, scientia, & potestatis plenitudine paribus, & consistorialiter, & alias quomodolibet in contrarium præmissorum concessis, ac pluries, & quantumcumque vicibus confirmatis, approbatis, iteratis, & innovatis, Quibus omnibus, & singulis etiam pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro plene, & sufficienter expressis, ac de verbo ad verbum inseritis habentes, illis alias in suo robore permanentibus ad præmissorum effectum hac vice dumtaxat specialiter, & expressè derogamus, & derogatum esse volumus, cæterisque contrariis quibuscumque.

Datum Romæ apud S. Mariam Majorem sub Annulo Pisc. die XXIV. Octob. MDCXCIX. Pontific. nostri Anno Nono.

Confirmantur quædam Decreta Diætæ Generalis Carmelitarum Congregat. Mantuanæ cum additione, & reformatione Congregat. super Discip. Reg.

CXXVII.

De Sociis hujus Congreg. pro Capitulo Gener. vid. Inn. XI. Const. ed. 1682. Jun. 12. P. 6. Et Clem. XI. Const. ed. 1711. Nov. 10. P. 11. agitur de reductione Studiorum, & graduum pro Provinciis Italiæ.

INNOCENTIUS PAPA XII.

Dat. 30. Jani.  
1700. Ans. 9.

Ad futuram rei memoriam.

Alias pro parte dilectorum filiorum Fratrum Diffinitorii Generalis Congregationis Mantuanæ Ordinis Fratrum B. Mariæ de Monte Carmelo Nobis exposito, quod in Diætæ generali dictæ Congregationis in hac alma Urbe anno 1697. celebrata, pro felici, prosperoque ejusdem Congregationis regimine, & gubernio; ac ad instaurandam in ea regularem observantiam, vitæque communis rationem edita fuerant octo Decreta in rotidem Capitula, seu Articulos distincta, tenoris, qui sequitur, videlicet.

Diætæ Gener.  
an. 1697.

§. 1. Cum maxime dedeceat observantiam, Religiosi status fundamentum, & caput, quandoque læsum in nostra Congregatione videre, eique sub titulo privilegiorum, quæ potius abusus, etiam, ac Regulæ nostræ detrimenta comperiuntur, officere, & præcipue, quæ Communitati, & Religiosæ observantiæ instaurandæ adeo per Sacram Congregationem super disciplina regulari specialiter nobis impensæ potius obesse, quam prodesse posse videantur: Hinc

Decreta &

De exemptione ab exercitationibus.

De Congregationibus.

De exemptione ab obedientia.

De vita communi.

De Servitiis.

De consortio Sæcularium.

De privilegiis.

De Lectoribus.

est, quod statuimus, mandamus infrascripta Decreta inviolabiliter observari, & observanda præscribi. Primo. Nemo cuiuscumque gradus a servitio Chori censeatur exemptus, nisi in actuali lectionis, ac prædicationis exercitio constitutus, quin etiam publicis interesse functionibus, Processionibus, cæterisque consuetis teneatur nisi legitimis, & a Superioribus approbatis detentus fuerit impedimentis. Meminerint juxta Sanctiss. D. N. salutare præscriptum exercitiis spiritualibus saltem semel in anno, & ea, qua decet animi devotione, ac commercii abdicacione totam operam dare, per quam anima cælesti pabulo recreatur, primava ex voto promissa Deo renovatione, & religionis Zelus studio perfectionis augeatur. Secundo. Caveant Priores, ne in rebus gravioribus absque libero Discretorum consensu, & in rebus gravissimis non nisi majori, & saniori parte Capituli Conventualis annuente procedant; ideoque mandamus, quod semel in hebdomada fiat Congregatio pro his tractandis, quæ nedum Regularem observantiam, sed etiam rem Conventus utiliter gerendam respiciunt. Tertio. Nullus cuiuscumque gradus, & præminentia, quomodocumque privilegiata, etiam Vicariatus Generalis habitus, vel habendi existat, censeatur, & sit exemptus ab obedientia, subjectione, & correctione Superioris Localis Conventus, in qua de familia designatus degit, exceptis honorificentis per nostras Constitutiones juxta exigentias illi concessis. Quarto. Provideatur a Superiore Conventus quilibet Religiosus cuiuscumque gradus, etiam Vicariatus Generalis habitus, vel habendi cum omnimoda uniformitate, & æqualitate, ita ut eodem vestitu, & vestiario, cæterisque ad ejus usum, servitium, necessitatem assignatis, vel assignandis juxta Regulam, & Constitutiones nostras habeant gaudere, sublatis cæteroquin quibuscumque singularitatibus, quæ communitati detrimentum & inobservantia specimen præbent. Quinto. Laici deputati pro servitio particulari Patrum Seniorum, Graduatorum, vel gravissimorum non sint adeo adstricti eisdem, vel pro eorundem servitio, ut etiam pro publico, & ad cætera Communitati præstanda ad nutum Superioris Localis nequeant adhiberi. Sexto. Memoria mandamus cuilibet ex nostris Religiosis quantum deceat a familiaritate cum Sæcularibus abstinere, eisque negotia tam Conventus quam Fratrum præcipue defectus abscondere, ideoque statuimus, & mandamus nulli Priori licere Sæculares quoscumque, & cuiuscumque conditionis intra Claustra, nisi per aliquot dies, & non mensuatim retinere, nec inuito pacto, & pretio, ut vulgo dicitur, *dozana*, habere, & quanto minus fieri poterit, etiam pro negotiis alioquin non necessariis introducere, ab hoc enim quam maxime dependere dignoscitur nostra bonæ famæ, & Religiosæ libertatis conservatio. Septimo. Quia vero nostra Congregationis profectui, & propagationi hoc unum magis contulisse comperitur, nostras scilicet Constitutiones in sua puritate relinquere in iis præcipue, quæ ejusdem regimen, & gubernium respiciunt, ideo declaramus, & statuimus in posterum servandas esse omnino Constitutiones de Diffinitor. Cap. 39. n. 8. in quo tantummodo nominatur, seu statuitur locum esse Vicario Generali electo una cum Vicario Generali functo, & quinque Diffinitoribus a gremio electis; derogatur propterea quibuscumque privilegiis, consuetudinibus, & Decretis, & Statutis etiam in ordine ad illos, qui fuerint, vel erunt Vicarii Generales, & decernimus, quod eligendi in Diffinitores habeant condiciones, & requisita quæ pro tanto onere, & negotio a Constitutionibus nostris præscribantur. Ultimo. Lectores,

& Baccalarei non possint ad ulteriorem gradum respectively promoveri, nisi actualiter legerint, & legisse docuerint, vel Philosophiam, vel Theologiam, vel saltem Moralem, modo tamen Scholastico, itaut in actuali exercitio legendi semper fuerint; ac propterea, quod in unoquoque Conventu, etiam modica familia fiat lectio moralis bis saltem in hebdomada, & semel in ea proponatur casus conscientie cui omnes Chorista interesse teneantur, proprium quisque sensum aperire, & explicationem a Lectore, vel PropONENTE audire &c.

§. 2. Et in eadem expositione subjuncto, quod ipsi Exponentes Decreta hujusmodi, quo firmius subsisterent, & servarentur exactius Apostolicæ confirmationis Nostræ patrocinio communiri summopere desiderabant. Nos supplicem libellum eorum nomine Nobis super præmissis porrectum ad Congregationem Venerabilium Fratrum nostrorum Sanctæ Romanæ Ecclesiæ Cardinalium, & dilectorum filiorum Romanæ Curie Prælatorum super disciplina Regulari a Nobis specialiter deputatam remisimus; Ipsa vero Cardinalium, & Prælatorum Congregatio re mature discussa, ac dilectis etiam filiis Exvicariis Generalibus præfata Congregationis Mantuanæ Patribus gravissimis nuncupatis pluries auditis, censuit. Tertio ex præsertis Decretis addenda esse sequentia, videlicet -- Injuncta tamen Superioribus Localibus speciali attentione, & reverentia erga PP. gravissimos, contra quos in causis gravioribus procedere nequeant, nisi ex speciali commissione Vicarii Generalis: Quarto autem similiter addenda esse hæc nempe: Ita tamen, ut debita charitate consulatur servitio Patrum gravissimorum. Septimum vero ita reformandum, ut ultra Vicarium functum admitti in posterum debeant in Diffinitorium alii duo Ex-Vicarii immediati ejus antecessores, itaut ultra Vicarium electum alii tres Ex-Vicarii dumtaxat in Diffinitorio esse debeant, eorumque aliquo deficiente, alius immediatus antecessor (quatenus adsit) substituat. Et adversus præmissa præfatos Patres gravissimos non esse amplius audiendos. Quare dicti Exponentes denuo humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignaremur.

§. 3. Nos igitur ipsorum Exponentium votis hac in re quantum cum Domino possumus favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de memoratorum Cardinalium, & Prælatorum consilio, omnia, & singula Decreta præinserta, ita tamen, ut tertio, & quarto prænarata additiones fieri, septimum vero reformari, sicut præmittitur, respectively debeant, auctoritate Apostolica tenore præsentium confirmamus, & approbamus, ac quatenus opus sit convalidamus, illisque inviolabilis Apostolicæ firmitatis robur adjungimus, ac omnes, & singulos juris, & facti defectus, si qui desuper quomodolibet intervenerint, supplemus; salva tamen semper in præmissis auctoritate præfata Congregationis Cardinalium, & Prælatorum.

§. 4. Decernentes eadem præsentis Literas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodocumque spectabit in omnibus, & per omnia plenissime suffragari, & ab eis respec-

Preces Diffinitorii Gen.

Additio, & reformatio relocatorum a Congr. super Discipline Reg. facta.

Confirmatio relocatorum Decretorum.

Clausula.

Aut inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac Congregationis Mantuanæ, & Ordinis præfatorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis, Quibus omnibus, & singulis, illorum tenores pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus cæterisque contrariis quibuscumque.

§. 6. Volumus autem, ut earumdem præsentium literarum transcriptis, seu exemplis, etiam impressis, manu alicujus Notarii publici, & sigillo personæ in Ecclesiastica dignitate constitutæ munitis, eadem prorsus fides ubique locorum, tam in Judicio, quam extra illud habeatur, quæ ipsis præsentibus haberetur si forent exhibitæ, vel ostensæ.

Datum Romæ apud Sanctam Mariam Majori sub Annulo Piscatoris die XXX. Januarii MDCC. Pontificatus Nostri Anno Nono.

CXXXVIII.

Confirmantur quedam Decreta Capituli Generalis Congregationis Reformatæ S. Bernardi Ord. Cisterciensis.

*De facultate Capituli Gen. vide Clem. VIII. Const. ed. 1595. Et Clem. XI. Const. ed. 1710. Sept. 25. P. 10. extant quedam Decreta super recitatione Officiorum.*

Die 17. Febr. 1700. An. 9.

INNOCENTIUS PAPA XII.

*Ad futuram rei memoriam.*

Capituli Generalis an. 1699.

Exponi Nobis nuper fecerunt dilecti filii Monachi vocales nuperi Capituli Generalis Congregationis Reformatæ Sancti Bernardi Ordinis Cisterciensis, die 11. Maji anni proxime præteriti 1699. in Monasterio Sanctæ Pudentiænæ de Urbe dictæ Congregationis celebrati, quod cum alias multæ additiones ad Constitutiones ejusdem Congregationis juxta facultates, & ad præscriptum quarundam fel. rec. Clementis Papæ VIII. Prædecessoris Nostri literarum in simili forma Brevis anno 1595. expeditarum, per quas dictæ Constitutiones confirmatæ fuerant, a diversis anterioribus Congregationis præfatæ Capitulis generalibus factæ fuerint, novissime in nupero Capitulo generali supradicto pro majori ejusdem Congregationis bono, & utilitate, edita fuerant nonnulla Decreta in novem Articulis distincta, tenoris, qui sequitur, videlicet.

Decreta.

§. 1. Decreta confecta in Capitulo generali Monachorum Reformatorum Sancti Bernardi Ordinis Cisterciensis celebrato in Monasterio Sanctæ Pudentiænæ de Urbe die 11. Mensis Maji 1699. Primo Superior Localis præcipue in parvis Monasteriis possit subditos renuentes obligare sub præcepto Sanctæ Obedientiæ ad exercenda officia ab ipso imposita, quando nulla adest in contrarium rationabilis causa, servata tamen forma Constitutionum circa hunc præcipiendi modum. Secundo Conversi, & Donati sive solemniter, sive simpliciter professi, diebus Dominicis, & festis, quibus vacatur, convenient ad

De auctoritate Superiorum.

De Donatis.

omnes horas Canonicas &c. ut in Constitutionibus Cap. 13. n. 5. pag. 96. Tertio. Cum unius triennii spatium nimis breve sit ad omnes Theologicos Tractatus habendos indeque fiat, ut ad animarum, tum Nostrarum, ac aliorum instructionem utiliores Tractatus præmittantur: In posterum, qui Sacræ Theologiæ Scholasticæ Lectores deputati fuerint per quadriennium saltem idem munus prosequantur, quo tempore teneantur studentes sibi commissos edocere omnes tractatus distributos, ut infra: Anno primo de Deo uno, & Trino. Anno 2. de Angelis, de Beatitudine, & de actibus humanis. Tertio Tractatus de vitis, & peccatis, de Divina gratia, & de virtutibus Theologicis. Anno Quarto de Incarnatione, de Sacramentis in genere, de Sacrosancta Eucharistia, & de Pœnitentiâ; Lectores autem Theologiæ moralis unico triennio integrum Theologiæ moralis cursum conficiant, & præter hujus quotidianam lectionem, habeant etiam lectionem Sacræ Scripturæ bis vel ter in hebdomada; horis tamen stabiliendis a Superiore locali, quibus Lectoribus sedulo munus suum exequentibus omnia conceduntur privilegia, quibus alii Lectores fruuntur. Præcipimus insuper Lectoribus, ut animarum potius utilitati consulentes, quam ingenii ostentationi studentes eas sententias edoceant, quæ communiores, & probabiliores sunt, quod si quacumque de causa, qui in studii principio deputatus fuerit Lector, munus suum prosecutus non fuerit; tunc Lector subrogatus Tractatus nondum traditos edoceat, ita ut nunquam initium fiat a primo Tractatu de Deo quia omnes supradicti Tractatus fuerint expleti; studentes vero Lectoribus suis omni humilitate, & charitate obsequantur: Si quis vero e studentibus cum Lectore suo verbis procacibus sive in studio, sive foris altercare, aut in eundem aliquid moliri, vel eidem detrudere ausus fuerit, is præter congruam satisfactionem eidem dandam pro prima, & secunda vice pœna gravi mulctetur; si vero tertio in idem incidit, mulctetur pœna graviori, & a studio removeatur; Injungimus etiam Superioribus Monasteriorum studiis deputatorum, ne studentibus aliquod munus mandent, quod eidem vagationis, aut distractionis a studio causam præbeat, sed omnino invigilent, ut totaliter studio, cui deputati sunt, incumbant: Item quantum fieri poterit conferentiis, quæ per hebdomadam fiunt, assistere satagant, & sæpe inopinato dum lectio reperitur, aut argumentum sit, in studium se conferant: præcipue in disputationibus, & conferentiis hebdomadariis, & mensalibus, quæ omnino fieri debent: Sic etiam melius negligentes corrigent, & castigabunt, & diligentibus animam adjicient: Studentes tandem quotidianæ recreationis tempore omnes in unum convenient circulum & de suis lectionibus disserant, disputent, & argumententur. Non autem solum Superiores Locales, sed etiam Visitatores Provinciales invigilent super his, & aliis in Rituali contentis legibus observandis, & transgressores omnino corrigant, & castigent; Lectores vero Philosophiæ teneantur Triennalis studii tempore etiam Ethicam edocere. Quarto Abbas Generalis ab officio absolutus toto tempore, quo a Superioritate vacabit, titulo Abbatis semper gaudebit, subditus nihilominus Priori suo Capitulum culparum non adibit, nec publicis correctionibus subiacebit, sed si corrigendus sit, id summa reverentia a Superiore privatim fiet. Ab officiis regularibus, quæ vel per hebdomadam disponantur, vel aliis omnibus per vices imponuntur, immunis sit, & ubique locorum post Superiorem localem immediate ceteros omnes, etiam Superiores præcedat, Sigillum peculiare ad firmandas Epistolas hujusmodi Abbati Titulari conceditur Localium Superiorum Sigillo simi-

De Lectoribus, & Studentibus.

De Abbate Titulari.